

BOPHATLALATSI BA DITABA: TSA MORAORAO TJENA MABAPI LE SETERAEKE SE NTSENG SE TSWELA PELE SA SARS

Tshwane, 27 Phupu 2022 – Ditshebeletso tsa Lekgetho tsa Afrika Borwa (SARS) di ntse di ikemiseditse ho rarolla boipelaetso bo ntseng bo tswela pele mmoho le mekgatlo ya basebetsi. Jwalokaha re boletse pejana, SARS ha se yona e etsang qeto mabapi le tekanyetso ya yona mme e itshetlehile hodima kabo e etswang ke Lefapha la Naha la Matlotlo. Ke ka boitshetleho bona ba ditaba moo SARS e ileng ya qala ka dipuisano mmoho le balekane ba yona ba basebetsi.

Ka mora ho buisana le mekgatlo ya basebetsi, SARS e ile ya tla ka tlhahiso ka sepheo sa ho tla ka tharollo ya makgaolakang ho itshetlehlwe hodima metheo ena e latelang:

i) Keketseho e akaretsang bohle ya 1.5% bakeng sa basebetsi ba ka dinako tsohle ba yuniting ya ditherisano, e ballwang morao ho qala ka la 1 Mmesa 2022.

ii) Tsena tse ka hodimo di itshetlehile hodima pehelo ena:

a. Ebang dipuisano tse batsi tsa lekala la tsa basebetsi ba setjhaba di rarolleha ka keketsheho e hodingwana ho feta ena ya 1.5%, Lefapha la Naha la Matlotlo le lona le tla etsa jwalo mme le fane ka matlole a tlatsetso hodima tumellano ena;

b. SARS e tla tataiswa ke sena mme e hlophise botjha tlhahiso ya yona ho basebetsi ba yona hore e lekane le sena;

iii) Boitlamo ba ho buisana le ho phethela tsena tse latelang Foramong ya SARS ya Naha ya Ditherisano (NBF):

a. tse batsi tse mabapi le Melemo ya Boleng bakeng sa Basebetsi, e akaretsang tsa ditjhelete le tseo e seng tsa ditjhelete;

b. le tse ding tsa dintho tse tekilweng ke mekgatlo ya basebetsi ka nako ya dipuisano.

Tlhahiso ena ya tlhophisobotjha ena e seng kae e akaretsang bohle ke ka lebaka la dipoloko tse lebelletsweng ho ba teng ka lebaka la tiehiso ya ho thaottha basebetsi e neng e le moralong wa pele. Ka moya wa ponaletso le boitlamo ba ho rarolla qaka ena, Botsamaisi ba SARS bo entse qeto ya ho aba poloko ena hore e lebe tlhahisong e eketsehileng ya meputso.

Mekga e dumellane hore mekgatlo ya basebetsi e kgutlele morao ho ya batla tumello mabapi le tlhahiso ena. Seteraeke se ile sa fanyehua ke *Public Servants Association* (PSA) ka nano ena ya ho ya batla tumello ho ditho tsa yona ha *NEHAWU* yona e so ka e arabela kapa hona ho bolela maikemisetso a yona a semmuso ho SARS.

SARS e hlokometse le ho kgathatswa ke diketsahalo tse seng kae tsa ditshoso le dikgoka tse entsweng ke ba bang ba batho ba ipelaetsang mme e tla nka mehato e hlokehang kgahlano le batho bana ba thunthetsang Molao wa Boitshwaro, le/kapa bao ba sa ikamahanyeng le molao.

SARS e boela e toboketa boitlamo ba yona ba ho hlompha tokelo ya basebetsi ya ho ipelaetsa. Baipelaetsi ba sireletswa ke dipehelo tsa molao wa tsa basebetsi ho phethahatsa tokelo ya bona ya ho ipelaetsa ka kgotso, le ho hlompha ditokelo tsa

basebetsi ba ikgethelang ho sebetsa, mmoho le balefalekgetho ba batlang ho phethahatsa boitlamo ba bona ba molao.

SARS e behile mehato ya thibelo ho bebofatsa tshusumetso ena e mpe hodima ditshebeletso tsa yona ho ya ka moo ho kgonehang ka teng. Re leboha balefalekgetho ka tshebedisano le kutlwisiso ya bona nakong ena moo re ntseng re tobane le diphephetso mme re kopa tshwarelo bakeng sa tiehiso efe kapa efe e mabapi le dikopo tsa bona tsa tshebeletso. Re kopa balefalekgetho le bahwebi, hore moo ho kgonehang, ba qobe ho ya makaleng a SARS mme ba mpe ba tswela pele ho buisana le SARS ka tsela ya dikanale tsa rona moo ba ka ithusang ka bobona teng. Ho tsamaiswa ha morwalo ho tswa naheng ho ya boemakepeng bo mawatelng ho ntse ho tswela pele ntle le tshitiso efe kapa efe.

SARS e rekolohela mathata a tobaneng le bongata ba Mafrikaborwa, ho akareditswe le basebetsi ba yona, ba shebaneng le mathata a ikonomi le ditheko tse ntseng di nyoloha tsa dijo le mafura. Re dutse re ananela ka boikokobetso basebetsi ba SARS, bao hara mathata ana, ba ntseng ba tswela pele ho ba le seabo katlehong ya rona mmoho le maikemisetso a bona a tswelang a ho phethahatsa tshebeletso ya bohlokwa e tshehetsang thomo ya rona.

Ho fumana lesedi le fetang lena, ka kopo ikopanye le SARSMedia@sars.gov.za